

任所未給公廩費用乏少宜各准公廩四分之一借貸正稅者然則新任之用以此足矣而依舊給糧於事重疊望請當道公糧永從停止者右大臣宣奉勅依請自餘諸國亦宜准此

大同三年六月六日

〔享祿本類聚三代格六〕太政官符

應處分公廩事

右造式所起請備太政官去延曆廿二年二月廿二日符備去延曆五年六月一日格備檢寶龜三年八月十五日格備前人出舉後人收納彼此有功宜共半分者今出舉收納勞逸不均自今以後宜革此例一依天平寶字元年十月一日式收納之前者入於後人收納之後者令入前人者如聞諸國所行頗有不穩何者前人在任秋冬徵收新人後到纔逢限月依格公廩全入後人今量勞逸實乖穩便或有收納未畢國司身亡孤遺之輩艱苦難言自今以後宜改此格七月已後遷代國司彼此半分以均苦樂六月已前全入後人者檢案內去天平十七年始置公廩自茲以降處分之法屢經改張或以出舉收納為期或取遷替之月為限并皆事迂人情理涉偏頗因茲自昔至今爭論途繁假有前人春首初任夏季得替准據後格當年公廩全給後人而前人或遭父母喪去職空歸徒失半年之勞不免填欠之累或不幸身亡妻子獨存無由還家流離他鄉或一年頻遷數處得料或自近拜遠中路失分如斯之類觸事多端仍案唐永徽祿令云諸祿并依日給京官據詔書出日外官據籤符到日給者今若一年公廩總計為分各准歷任日數班給則新舊之吏甘心受賞競爭之源從茲永絕者大納言正三位兼行左近衛大將陸奧出羽按察使藤原朝臣冬嗣宣奉勅依請宜付所司施行

弘仁十年十二月廿五日

公廩欠負未納處分

〔延喜交替式〕凡公廩有未納者量賜借貸遭年不登所貸不填者後人依數徵填不拘解由○中凡國司就奉幣讀經事致國儲過用者便以公廩補填之若輒致過用分得公廩者准置未納受用公廩